

ԳՐԱԽՈՍՈՒԹՅՈՒՆ

STUDIES IN THE VISUAL CULTURES OF THE MIDDLE AGES

VIGILANT POWERS: THREE CHURCHES OF EARLY MEDIEVAL ARMENIA

CHRISTINA MARANCI



BREPOLS

ԱՐԹՈՒՆ ԶՈՐՈՒԹՅՈՒՆՆԵՐ (ԶՈՒԱՐԹՈՒՆՔ).
ՎԱՐՄԻՋՆԱԴԱՐՅԱՆ ՀԱՅԱՍՏԱՆԻ ԵՐԵՔ ԵԿԵՂԵՑԻ
ՔՐԻՍՏԻԱ ՄԱՐԱՆՑԻ

Studies in the Visual Cultures of the Middle Ages, vol. 8, Brepols, Turnhout 2015

Քրիստինա Մարանցու այս ծավալուն աշխատությունը նվիրված է յոթերորդ դարի հայկական երեք նշանավոր կաթողիկե մայր եկեղեցիների՝ Մրենի, Չվարթնոցի եւ Պտղոմու ուսումնասիրությանը: Նայկական ճարտարապետության լատմության ավելի քան հարյուրամյա գիտական ժառանգության մեջ այս աշխատանքն այն եզակի ուսումնասիրություններից է, որ նոր, համակարգված եւ միջոյորտային մոտեցում է ցուցաբերում քաջածանոթ նյութին եւ առաջադրում է նոր խնդիրներ: Կարելի է ասել, որ այստեղ առաջին անգամ փորձ է արվել, առնվազն անգլախոս ընթերցողների համար, վաղմիջնադարյան «ոսկեդարյան» շրջանի այս երեք եկեղեցիները ներկայացնել ոչ միայն ճարտարապետական, տիղաբանական, կառուցողական կամ գեղարվեստական առանձնահատկությունների վերլուծությամբ եւ դասակարգմամբ, այլեւ դիտարկել այդ վերլուծությունը լատմական, գաղափարական, ծիսաբանական ընդհանուր համատեքստում, *տեսնել* դրանք մի միասնական շղթայի մեջ:

Այդ համատեքստը յոթերորդ դարի աշխարհադաբական փոփոխություններն են, Սուրբ Երկրի դրամատիկ իրադարձությունները եւ դրանց հետ կապված՝ Նայաստանի քաղաքական, հասարակական եւ դավանական իրողությունները: Իսկ շղթան՝ կայսերական, եկեղեցական եւ նախարարական իշխանության թողած դրոշմը՝ երեք հուշարձանների ճարտարապետական հորինվածքի, քանդակային հարդարանքի եւ վիմագրական բովանդակության վրա:

Նեղինակը հատկապես շեշտում է այն փաստը, որ այս երեք եկեղեցիները կառուցվել են «գոբալ» լատերագմների տարիներին, երբ մի կողմից՝ Նայաստանի «ռազմական սահման» լինելու կարգավիճակը, մյուս կողմից՝ ժամանակակիցների վախճանաբանական սղասելիքների ուժգնացումը, ձեւավորել են մի բարախուն գեղարվեստական մշակույթ, որ աղերավում է միաժամանակ բյուզանդական, լարսկական եւ արաբական աշխարհներին: Ըստ Մարանցու՝ յոթերորդ դարի հայկական հուշարձանների աննախադեղ քանակը եւ տիղաբանական բազմազանությունը թույլ են տալիս տղդել, որ «սահմանային» դրությունը կարող է արտոնյալ տարածք հանդիսանալ՝ մշակույթի եւ արվեստի զարգացման համար: Ըստ այդմ՝ հեղինակի գլխավոր հարցադրումներն են, թե ինչոլե՞ս, ի՞նչ կերոլվ են այս հուշարձաններն արտահայտում այն աշխարհը, որի մեջ ստեղծվել են, եւ ինչոլե՞ս են դրանք «գործել» այդ աշխարհում:

Միջնակության ժողովուրդների և համատեքստայնացված հետազոտության մեթոդաբանությունը, ինչպես նաև տարածաշրջանային գեղարվեստական ավանդույթների ընդհանրության ընկալումը թույլ են տվել հեղինակին յուրաքանչյուր դեպքում վերանայել հուշարձանի վերաբերյալ գոյություն ունեցող տեսակետները, ընդունել կամ հերքել տարբեր վարկածները, ինչպես նաև առաջադրել մի շարք բացահայտումներ և նորովի մեկնաբանություններ, առաջ քաշել նոր, չուսաբանված խնդիրներ: Դրանցից են, օրինակ՝ Պատվիրատուների շրջանակի և հասարակական տատմության, գաղափարախոսության կազմավորման, ընկալման տեսությունների, փոխանակման և յուրացման հղացքների հարցերը, կամ՝ մեկ հուշարձանում կամ տատկերում ամփոփված մի քանի իմաստների և միտումների ընթերցման հնարավորությունը, սրբազան տարածքների ձևավորումը և եկեղեցիների տեղադրությունը բնադատկերում, կառուցվող կամ վերակառուցվող եկեղեցիներում նախկին քանդակագարդ հուշարձանների բեկորների գործածումը, որ բարձրացնում են մշակության հիշողության հարցը, և այլն: Ոչ տակաս կարելու է նաև Մարանցու ձգտումը՝ զգալ և փոխանցել հայկական միջնադարյան եկեղեցիների շարժում միջավայրն ու կենդանի շունչը, որ օծված էր մեռնով, դարձված էր խնկարկման բույրով, թրթռում էր ծիսական մեղեդիների և արարողական երթերի շրշունի ձայներից: Ինչպես ինքն է նշում՝ «Մոտիկից հայացքը կազմում է այս գրքի սիրտը, և հույս ունեմ՝ նաև ընթերցման հաճույքը»¹:

Յուրաքանչյուր հուշարձանի վերաբերյալ ուսումնասիրված և ներկայացված են թե՛ սկզբնաղբյուրների և թե՛ մասնագիտական գրականության գրեթե ամբողջական գիտելիքը: Ավելին, մատենագիտության մեջ առատորեն քննարկվում են նաև նյութին անուղղակի առնչվող կամ հարակից բնագավառներին տատկանող աշխատություններ, որոնք օգնել են փաստարկել մի շարք կնճռոտ հարցեր և տեղեկություններ:

Երեք եկեղեցիների ընտրությունը դայմանավորված է նաև այն հանգամանքով, որ դրանցից յուրաքանչյուրը ներկայացնում է դարաշրջանի ճարտարադասական ամենատարածված տիպերից մեկի հարացուցային տարբերակը: Մրենը գմբեթավոր բազիլիկ է, Չվարթնոցը՝ կենտրոնագմբեթ բոլորակ՝ ներքուստ քառաբսիդ հատակագծով, իսկ Պտղնին գմբեթավոր սրահ է: Բացի այդ, դրանք կառված են վաղմիջնադարյան Նայաստանի երկու գլխավոր նախարարական տների՝ Կամսարականների և Ամատունիների, և կաթողիկոս Ներսես Գ Շինողի անվան հետ:

Գիրքն այսպիսով բաժանված է երեք գլխի, որոնցից յուրաքանչյուրը նվիրված է մեկ եկեղեցու համադարձակ ուսումնասիրությանը:

Առաջին գլուխը վերնագրված է՝ *Մահմանը. Ներակրը, Նայաստանը և Մրենի եկեղեցին*: Ըստ Մարանցու՝ կառուցված լինելով հայ-բյուզանդական սահ-

մանին՝ Մրենի եկեղեցին անմիջականորեն առնչվում է Ներակլի ռազմական արշավանքների քաղաքական համատեքստին, մասնավորապես՝ սահմանի ամրագրման խնդրին: Այս ընկալմամբ է վերլուծված նաև եկեղեցու հյուսիսային ճակատը զարդարող քանդակային հորինվածքը, որ տատկերում է գերեվարված Խաչի հաղթական վերադարձը Երուսաղեմ: Տեսարանի բովանդակությունը քննելով գրավոր աղբյուրների, կայսերական գաղափարախոսության եւ ժամանակի վախճանաբանական տատկերացումների հոլովություն, ինչդեռ նաև հաշվի առնելով եկեղեցու սրբօծման հայկական ծեսի առանձնահատկությունները՝ հեղինակը նորովի է մեկնաբանում քանդակային հորինվածքը որդես Երկնային Երուսաղեմ մուտքի խորհրդանշական դարդաս: Շուշարձանը տեղում ուսումնասիրելու հնարավորությունը Մարանցուն թույլ է տվել մանրագին հետազոտել նաև եկեղեցու ներսում երբեմնի որմնանկարային շարքի մնացորդները եւ հետաքրքիր բացահայտումներ կատարել, ինչդեռ՝ Քրիստոսի հոտնկայս կերդարը, առաքյալների դիմանկարները, ամենահին հայկական աստվածաշնչյան մեջբերումը եւ այլն: Որմնանկարների տատկերագրական ծրագիրը նույնդես արտահայտել է կայսերական ռազմական հզորության գաղափարը:

Գլխում մանրամասն քննության է առնվում նաև արեւմտյան մուտքի բարավորի քանդակային խումբը, որ հանգեցնում է Մրենի անմիջական տատկիրատուի կամ տատկիրատուների ինքնության խնդրի նորովի մեկնաբանությանը, այստեղից էլ՝ շինարարության ավարտի տարեթիվը 638/40-ը համարելու տատկեհությանը: Նատկադես համոզիչ է կերդարների դիրքի եւ հագուստների տատկերագրական բազմաշերտ քննությունը: Գուլսն ավարտվում է ենթադրությամբ, որ Մրենի կառուցման տատկառներն ու հանգամանքներն ուղղակիորեն կադված են Ներակլի հայկական արշավանքների հետ: Ինչդեռ կարծում է Մարանցին՝ *«եկեղեցին արտահայտում է շահերի եւ գաղափարների մի հաղաքական ցանց. քաղաքական եւ կրոնական ամրադղմանն ուղղված կայսերական օրակարգը, տեղական նախարարական տները եւ նրանց՝ իշխանության աստիճանակարգում առաջ գնալու տատկեհական հավակնությունները, Սուրբ Երկրի եւ Երուսաղեմի վերաբերյալ ընդհանուր մտահոգությունները եւ Քրիստոսի Երկրորդ Գալստյան ադասումը»*²:

Չվարթնոցին նվիրված գլուխը, որ վերնագրված է *Միջագային հարթակ. Չվարթնոցի տաճարը*, երեքից ամենածավալունն է: Այն նաև ներշնչել է գրքի անվանման գաղափարը. *«Չուարթունք՝ Արթուն գորություններ»*, որով Գրիգոր Լուսավորչի տեսիլքի երկնաբնակ գորքն ադերալում է դարաշրջանի գերտերությունների եւ վերջիններիս հետ անընդհատ առնչվող հայկական հոգետոր եւ աշխարհիկ ընտրանու հզորությանը: Գլխում համակարգված հաջորդականությամբ ի մի են բերված մինչ այժմ գոյություն ունեցող բոլոր արժեքավոր ուսումնասիրությունները հայոց ճարտարադետության հազվագյուտ գոհարներից մեկի՝ Ներսես Գ-ի կա-

ռուցած Չվարթնոց-Սուրբ Գրիգոր եկեղեցու եւ կից տալատական համալիրի մասին: Բացի այդ, քննարկվում են հուշարձանի անվան, հիմնադրման, տեղավայրի ընտրության, ինչդեռ նաեւ ճարտարապետական հորինվածքի եւ քանդակային հարդարանքի վերաբերյալ տարբեր տեսակետներն ու վարկածները, որոնց հեղինակը հավելում է նորերը: Առաջին հերթին կարելուովում են տաճարի կառուցման ժամանակը եւ հանգամանքները, որոնց առիթով նա հատկապես շեշտում է Նայաստանում բյուզանդական ռազմական ներկայությունը եւ Ներսես կաթողիկոսի հարաբերությունները մի կողմից Կոստանդ Բ կայսեր, մյուս կողմից՝ հայոց հոգեւոր իշխանության հետ: Այս առումով բավական խորաթափանց դիտարկում է *մոնղոլ-լիստական*, այսինքն՝ «միակամական» գիշումային վարդապետության հիշատակումը, որ որդեգրել էր բյուզանդական արքունիքը՝ սկսած Ներակլից՝ Արեւելյան եկեղեցիների միավորման նպատակով:

Ադա՛ Չվարթնոցի ճարտարապետական աննախադեռ տիպը վերլուծվում է ասորա-միջագետքյան եւ հատկապես՝ երուսաղեմյան ավանդույթների հետ հարաբերության մեջ: Վերջին տնդումը Մարանցին փաստարկում է նաեւ գրավոր աղբյուրներով (Մովսես Դասխուրանցու *Պատմության* մեջ տահդանված Երուսաղեմի Սուրբ Տեղեաց ուղեցույցի հատվածը)՝ փորձելով տատմականորեն բացատրել Նարության բոլորակի «սրբազան նախատիղի» գործածումը հայկական հողում եւ այդ նախատիղի ստեղծագործական զարգացումը տարբեր օրինակներում: Այս առումով միանգամայն յուրօրինակ եւ ուսանելի է Չվարթնոցի եւ մահմեդական աշխարհի կարեւորագույն հուշարձան՝ Երուսաղեմի հրեական տաճարի տեղում կառուցված Ալ Նարամ ալ Շարիֆ կամ «Ժայռի Գմբեթ» մզկիթի միջեւ անցկացված զուգահեռը:

Առանձին բաժիններով, նորովի յուսաբանված են Չվարթնոցի ամբողջ համալիրի վիմագրական արձանագրությունները, ուրարտական սեղագիր կոթողի ներկայությունը եւ հատկապես մինչ այժմ գրեթե անտեսված՝ արեւային ժամացույցը: Վերջինս նորույթ է թվում վաղմիջնադարյան հայկական իրականության մեջ եւ կարող է կաղվել Ներսես Գ-ի ձեռնարկած ծիսական, ժամերգական ռեֆորմի հետ:

Առանձնապես հետաքրքիր է հեղինակի մեկնաբանությունը՝ տաճարի քանդակային հարդարանքի վերաբերյալ, որտեղ, ընդունելով հանդերձ արդեն իսկ շրջանառության մեջ դրված տեսակետները, նա փորձ է անում դրանք միահյուսել ընդհանուր գաղափարաբանական հանդերձի ներքո, որում արտահայտված են կառույցի՝ որդես կաթողիկոսանիատ մայր եկեղեցու եւ Աստծո սրբազան տաճարի կարգավիճակը, ինչդեռ նաեւ՝ հայոց առաջին հայրապետ Գրիգոր Լուսավորչի եկեղեցաշինական գործունեության խորհուրդը:

Չվարթնոցի կառուցման տարիները (643-660)³ համընկնում են արաբական առաջին արշավանքների, Սասանյան հարստության վերջաբանի եւ Բյուզան-

դական հզորության սասանման ժամանակաշրջանին, ուստի եկեղեցին կարող է դիտվել որդես գուգահեռաբար ընթացող համաշխարհային հնչեղության մտահղացում. հեղինակի դիտարկմամբ՝ «յոթերորդ դարի ռազմական թատերաբեմում «միջազգային հարթակ» բարձրացված հուշարձան»⁴:

Մրան հակառակ՝ վաղմիջնադարյան Ղայաստանի տեղական ազնվականական կյանքի եւ ավանդույթների համատեքստում է ուսումնասիրված երրորդ՝ Պտղնու եկեղեցին, որին մվիրված բաժինը կրում է *Իշխանական սրբավայր*. Պտղնու եկեղեցին վերնագիրը: Մարանցին ուշադրությունը կենտրոնացրել է առավելադեպ հուշարձանի քանդակային հարդարանքի մեկնաբանության վրա՝ փորձելով կառել աստվածաշնչյան եւ որսի տեսարանների, թռչունների, զարդագոտիների եւ սրբազան անոթների դասերների համաքրիստոնեական նշանակությունը՝ կոնկրետ, դատմական անձանց եւ իրողությունների հետ, որոնք դասկանում են Ամատունիների նախարարական ընտանիքին: Ըստ այդմ՝ դասկերագրական այս համակարգն ընդհանուր մտահղացմամբ մոլատակ ուներ հավերժացնել հայկական ազնվականության հիմնական արժեքները. հերոսական քաջությունը, ֆիզիկական ուժը, որսի եւ խնջույքի կարեւորությունը, նախնիների հիշատակը եւ հնագույն տոհմական ծագումը: Գեղեցիկ համեմատություն անելով գրավոր աղբյուրներում հիշատակված՝ Ամատունիների ծննդաբանության դատումի եւ համիրանական աշխարհում հայտնի «բախտ, քաջություն, փառք»՝ արքայական իշխանության սրբազան եռյակ ատրիբուտների հետ, ինչդեպ նաեւ դիտուկ նկատելով, որ վաղքրիստոնեական արվեստում որսի եւ խնջույքի տեսարաններն առավելադեպ հանդիպում են թաղումնային գործառնոյթ ունեցող հուշարձաններում՝ հեղինակը եզրակացնում է, որ Պտղնու եկեղեցին կառուցվել է ոչ միայն որդես եռիսկոդոսանիստ կաթողիկե, այլ նաեւ ծառայել է որդես նախնիների հիշատակին մվիրված տոհմական սրբավայր. ավանդույթ, որ կրկին անդրադարձնում է Ղայաստանի «սահմանային» դիրքի առանձնահատկությունները, բայց այս անգամ՝ Պարսկական կայսրության քաղաքական եւ մշակութային ծիրում: Ղեղինակը քննարկում է նաեւ եկեղեցու կառուցման թվականները՝ ըստ բերված փաստարկների առաջարկելով ավելի շուտ յոթերորդ դարի կեսերը (640-680 թթ. միջեւ), քան սկիզբը, ինչդեպ ենթադրվում էր մինչ այժմ:

Քրիստինա Մարանցու այս աշխատության այլընտրանքային մորարարությունն ու բովանդակային համադարձակությունն այնքան ծանրակշիռ են, որ տեղ գտած մի քանի վրիդակներն ու անճշտությունները բոլորովին չեն խանգարում գրքի գիտական արժեքի ընկալմանը: Դրանց թվում, թերեւս, կարելի է նշել «քաղաքագլուղ» եւ «տանուտեր» բառերի մեկնաբանությունը (էջ 35 եւ 44), որոնցից առաջինի «դարստադատ գլուղ» ճշգրիտ իմաստը թույլ կտար ենթադրել Մրենի եկեղեցու շուրջ բնակավայրի գոյությունը, իսկ երկրորդի՝ «նախարարա-

կան տոհմի ավագ, դեկավար» լինելու իմաստը գերադասելի է արտաքին միջամտությամբ տիտղոս ստանալու հետ կապված լինելու եմթադրությունից: Նմանադեպ՝ Բարդուղիմեոս առաքյալի ղաշտամունքն ավելի ուշ շրջանում է տարածվել Ղայաստանում, քան Թադեոսինը, եւ նրա անունը չի կարող հիշատակված լինել հինգերորդ դարի աղբյուրներում, ինչդեպ նշում է հեղինակը (էջ 90), իսկ Վրթանես Զերթողը հայտնի է ոչ թե որդես կաթողիկոս (էջ 91), այլ՝ տեղադահ: Դառնալով Չվարթնոցի տաճարին՝ գուցե առարկելի է այն ժողովումը, թե արաբական արշավանքների եւ Ներսեսի բացակայության հետեւանքով 650-ական թվականներին ընդհատվել են եկեղեցու շինարարական աշխատանքները, քանի որ աղբյուրները նշում են կաթողիկոսի տեղադահ Ամաստասի գործունեության մասին: Նույնկերպ, ըստ աղբյուրների քննության, Չվարթնոցի տաճարի կառուցման վայրի ընտրությունը վերաբերում է Տրդատ թագավորի եւ սուրբ Գրիգորի հանդիպմանը՝ վերջինիս Վիրապից ելնելուց հետո դեղի Վաղարշապատ ճանադարիին, այլ ոչ՝ Գրիգորի՝ Կեսարիայում ձեռնադրվելուց հետո (էջ 122), որովհետեւ այդ ժամանակ Տրդատը նրան հանդիպում է Բագավանում⁵: Վրիդակների շարքում արժե հիշատակել Ղովհաննես Մանդակունու կաթողիկոսության տարիները, որ նշված են 420-490 (էջ 151), եւ հայերեն որոշ բառերի սխալ տառադարձումը (տե՛ս էջ 42, 61, 151 եւն), որ հետեւանք է ավելի շուտ արեւմտահայերենի արտասանության:

Այստիպով, խանդավառությամբ ողջունելով Քրիստինա Մարանցու *Արթուն գործություններ. Վաղմիջնադարյան Ղայաստանի երեք եկեղեցի* գրքի մուտքը մասնագիտական շրջանակներ, հույս ունենք, հեղինակի հետ, որ «այն կհավելի մեր գիտելիքները վաղմիջնադարյան հայկական աշխարհի եւ շրջակա ավանդույթների հետ նրա կառույցի մասին, ինչդեպ նաեւ կձեռավորի այս ոլորտում այլընտրանքային մոտեցումների հնարավորությունը»:

ՆԱԶԵՆԻ ԴԱՐԻԲՅԱՆ
 Արվեստի տատմ. դոկտոր (Փարիզ)
 Մատենադարանի ավագ գիտաշխատող,
 ԵԳՊԱ դոցենտ

NAZÉNIE GARIBIAN
 PhD in Art History (Paris)
 Senior Reseqrcher at Matenadaran
 Associate Professor at YSAFA

1. Էջ 18:
2. Նույն տեղում:
3. Հեղինակը թերեւս ծանոթ չի եղել Ալեքսան Հակոբյանի «Հայ-բիզանդական յարաբերութիւնները և դարի կէտերին եւ Չուարթնոցի կառուցման ժամանակը» հոդվածին (Մերձատուր եւ Միջին Արեւելքի երկրներ եւ ժողովուրդներ, հտ. XXIV, Եր., 2005, էջ 366-426), որտեղ շինարարական աշխատանքների սկիզբը ենթադրվում է 650 թվականը:
4. Էջ 19:
5. Հիմնական վարքը չի մշում հանդիման վայրը, սակայն մկարագրում է Գրիգորի «աթոռ քարծրանալը» Աշտիշատում (§ 158):

